



ქალაქ თბილისის მუნიციპალიტეტის საკრებულოს
იურიდიულ საკითხთა და ადამიანის უფლებათა დაცვის კომისიის
სხდომის ოქმი N79

2025 წელი; 3 ივლისი; 14:00 სთ;

ქ. თბილისი

თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ნინო ვარდოსანიძე (თავმჯდომარე)

ზურაბ აბაშიძე

ნინო რუხაძე

მარიამ გელაშვილი

ავთანდილ ცინცაძე

კახაბერ ლაბუჩიძე

სხდომის თავმჯდომარე:

ნინო ვარდოსანიძე

იურიდიულ საკითხთა და ადამიანის უფლებათა დაცვის
კომისიის თავმჯდომარე



დღის წესრიგი:

1. ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.

მოისმინეს:

1. **ნინო ვარდოსანიძემ** იურიდიულ საკითხთა და ადამიანის უფლებათა დაცვის კომისიის წევრებს გააცნო კომისიის სხდომის დღის წესრიგით განსაზღვრული ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე საკითხი.

მოხსენების დასაწყისში იურიდიულ საკითხთა და ადამიანის უფლებათა დაცვის კომისიის თავმჯდომარემ, ნინო ვარდოსანიძემ აღნიშნა, რომ 2025 წლის 19 ივნისს, ქალაქ თბილისის მუნიციპალიტეტის საკრებულოს და იურიდიულ საკითხთა და ადამიანის უფლებათა დაცვის კომისიას, ქალაქ თბილისის მუნიციპალიტეტის საკრებულოს ფრაქციის „ერთიანი ნაციონალური მოძრაობა“ თავმჯდომარის ირაკლი ნადირაძის მიერ, წარედგინა წერილობითი კორესპონდენცია და ამავე ფრაქციის 2025 წლის 19 ივნისის ოქმი N14, რომლის თანახმად, ქალაქ თბილისის მუნიციპალიტეტის საკრებულოს და იურიდიულ საკითხთა და ადამიანის უფლებათა დაცვის კომისიას ეცნობა ფრაქციის „ერთიანი ნაციონალური მოძრაობა“ მიერ, ზემოაღნიშნულ სხდომაზე მიღებული გადაწყვეტილების თაობაზე. კერძოდ, ფრაქციის სხდომაზე დამსწრე წევრებმა ერთხმად დაუჭირეს მხარი ქალაქ თბილისის მუნიციპალიტეტის საკრებულოს კომისიებში ფრაქციის წევრების შემდეგი სახით წარდგენის საკითხს:

- იურიდიულ საკითხთა და ადამიანის უფლებათა დაცვის კომისიაში წარდგენილ იქნა - **შოთა გრიგოლია**;
- ქონების მართვისა და საფინანსო-საბიუჯეტო კომისიაში - **ირაკლი ნადირაძე**;
- ურბანული დაგეგმარებისა და საქალაქო მეურნეობის კომისიაში - **ლილე ლიპარტელიანი**;
- გარემოს დაცვის კომისიაში - **ირაკლი ემგვერაძე**;
- სატრანსპორტო საკითხთა კომისიაში - **ზვიად კუპრავა**;
- სარევიზიო კომისიაში - **ზვიად კუპრავა**;
- ჯანმრთელობის დაცვის და სოციალურ საკითხთა კომისიაში - **სოფიო ჯაფარიძე**;
- განათლებისა და კულტურის კომისიაში - **ბარბარა ჯიმელი-სულაშვილი**;



- ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიაში - **ბარბარა ჯიმელი-სულაშვილი**;
- სპორტის და ახალგაზრდულ საქმეთა კომისიაში - **შოთა გრიგოლია**;
- სახელდებისა და სიმბოლიკის კომისიაში - **ირაკლი ებგვერაძე**.

ნინო ვარდოსანიძემ ასევე ისაუბრა იმ ცვლილებებზე, რაც ქალაქ თბილისის მუნიციპალიტეტის საკრებულოს ფრაქცია „ქართული ოცნება - დემოკრატიული საქართველო“-ს შემადგენლობაში მოხდა, კეროდ, ქალაქ თბილისის მუნიციპალიტეტის საკრებულოს თავმჯდომარეს, ფრაქციის „ქართული ოცნება - დემოკრატიული საქართველო“ თავმჯდომარეს და იურიდიულ საკითხთა და ადამიანის უფლებათა დაცვის კომისიას წარედგინა ამავე საკრებულოს წევრის ანა კილაძის პირადი განცხადება ქალაქ თბილისის მუნიციპალიტეტის საკრებულოს სპორტისა და ახალგაზრდულ საქმეთა კომისიის შემადგენლობის დატოვებისა და ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიაში გაწევრების თაობაზე.

იურიდიულ საკითხთა და ადამიანის უფლებათა დაცვის კომისიის თავმჯდომარის მიერ ხაზი გაესვა იმ გარემოებას, რომ აღნიშნულ საკითხთან დაკავშირებით, 2025 წლის 1 ივლისს, ქალაქ თბილისის მუნიციპალიტეტის საკრებულოს თავმჯდომარეს და იურიდიულ საკითხთა და ადამიანის უფლებათა დაცვის კომისიას, ქალაქ თბილისის მუნიციპალიტეტის საკრებულოს ფრაქციის „ქართული ოცნება - დემოკრატიული საქართველო“ თავმჯდომარის ოთარ გრიგოლიას მიერ, წარედგინა წერილობითი კორესპონდენცია, რომლის თანახმად, ქალაქ თბილისის მუნიციპალიტეტის საკრებულოს და იურიდიულ საკითხთა და ადამიანის უფლებათა დაცვის კომისიას, ეცნობა შემდეგი სახის ღონისძიება:

2025 წლის 1 ივლისს, გაიმართა ფრაქციის „ქართული ოცნება - დემოკრატიული საქართველო“ სხდომა, რომლის ფარგლებშიც, აღნიშნული ფრაქციის წევრებმა ერთხმად დაუჭირეს მხარი შემდეგ საკითხს:

- ანა კილაძის მიერ სპორტისა და ახალგაზრდულ საქმეთა კომისიის შემადგენლობის დატოვებისა და ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიაში გაწევრების შესახებ.

მოხსენების დასასრულს ნინო ვარდოსანიძემ აღნიშნა, რომ ზემოაღნიშნულ საკითხთან დაკავშირებით წარმოდგენილ კორესპონდენციაზე თანდართულ იქნა ქალაქ თბილისის მუნიციპალიტეტის საკრებულოს ფრაქციის „ქართული ოცნება - დემოკრატიული საქართველო“ სხდომის ოქმი N76.

აზრი გამოთქვას:

ნინო ვარდოსანიძემ ისაუბრა საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის 2² პუნქტის დანაწესზე⁴, რომლის თანახმად, მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის საკრებულოს ფრაქციის გადაწყვეტილება ეცნობება მუნიციპალიტეტის საკრებულოს



იურიდიულ საკითხთა კომისიას ან შესაბამისი კომპეტენციის მქონე კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. იურიდიულ საკითხთა კომისია ან შესაბამისი კომპეტენციის მქონე კომისია (მუნიციპალიტეტის საკრებულო) ამოწმებს ფრაქციის მიერ კომისიაში წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრი კომისიაში დანიშნულად მიიჩნევა აღნიშნული ფაქტის მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ ცნობად მიღების მომენტიდან.

კომისიის თავმჯდომარემ მიუთითა, ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ¹ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის (შემდგომ-რეგლამენტი) 17¹ მუხლის პირველი პუნქტზე, რომლის თანახმად, მუნიციპალიტეტის საკრებულოს კომისიის წევრს უფლება აქვს, ნებისმიერ დროს გავიდეს მუნიციპალიტეტის საკრებულოს კომისიის შემადგენლობიდან. მუნიციპალიტეტის საკრებულოს კომისიის წევრმა კომისიის შემადგენლობიდან გასვლის შესახებ წერილობით უნდა აცნობოს მუნიციპალიტეტის საკრებულოს ფრაქციის თავმჯდომარეს, მუნიციპალიტეტის საკრებულოს ბიუროს და მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიას.

ნინო ვარდოსანიძემ აქვე აღნიშნა, რომ რეგლამენტის 49-ე მუხლის მე-2 პუნქტის „ზ“ ქვეპუნქტის თანახმად, საკრებულოს ბიურო უფლებამოსილია ცნობად მიიღოს საკრებულოს კომისიის შემადგენლობაში შეტანილი ცვლილებები.

გადაწყვეტის:

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებმა დაადგინეს, რომ დაცულია საკრებულოს ფრაქციების „ერთიანი ნაციონალური მოძრაობა“ და „ქართული ოცნება - დემოკრატიული საქართველო“ მიერ კომისიის შემადგენლობაში წევრების წარდგენის წესი და წარმოდგენილი ცვლილება შეესაბამება ქალაქ თბილისის მუნიციპალიტეტის საკრებულოს ბიუროს მიერ დამტკიცებულ კომისიის წევრთა რაოდენობისა და პროპორციული წარმომადგენლობის კვოტებს.

იურიდიულ საკითხთა და ადამიანის უფლებათა დაცვის კომისიის სხდომაზე კომისიის დამსწრე წევრებმა ერთხმად გადაწყვიტეს, რომ კომისია საკითხთან დაკავშირებით მომზადებულ დასკვნაზე, საკრებულოს ბიუროს დანართის სახით წარუდგენს, ზემოაღნიშნული ცვლილების გათვალისწინებით, ქალაქ თბილისის მუნიციპალიტეტის საკრებულოს კომისიათა პერსონალურ შემადგენლობას, ქალაქ თბილისის მუნიციპალიტეტის საკრებულოს ბიუროს მიერ ცნობის სახით მიღების მიზნით.



იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდგომ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ნ. ჯაფარიძე

ნინო ვარდოსანიძე

სხდომის მდივანი

თეონა ხვედელიძე

თ. ხვედელიძე